

## NU LEH PA TUNG A TATE MOHPUAK

Sutzopna...

Jamson Guite

**P**aunakte 6:20-21 na ah pa tuh tate zuih diing thupiak petu hi a, nu tuh tate sinsaktu hi ahihdan a muhtheih hi. Huchibang ahiman in nu leh pate tung a tate mohpuak tuh ahon thupiakte uh zuih a, a sinsaknte uh taisan louh ahi. Pathian in I nu le pate amau utthu hilou a tate sinsak a a paina diing lampi diing kokmuh a chiil diing thu ana pia hi. Hiai thupiak zui a nu le pate'n ahon thupiak leh sinsaknate uh zuih tuh tate mohpuakna ana hisawsawn lai hi. Pathian in nu le pate kiang ah na tate uh Toupa thuzohna leh hilhna a kem un achi. Hiai thupiak nu le pa'n Pathian akipan a amuh uh ahih mahbang in amaute hon thupiakte zuih a ahon sinsakna uh taisanlouh tuh Toupa akipan a tate'n a ngah uh mohpuakna ahi.

Tate'n I theih diing khat tuh kua hiamkhat hiai thupiak i zui diing deih hetlou om ahi. Huai mipa tuh kuadang hilou in Setan ahi. Nu le pate thu i manlouh theih teiteina diing in nakpitak in pan ala hi. Khovel philosophy bang, khovel changkanna bang vanzat a nei a nu le pate thu i manlouh theih teitei na diing in nakpitak in pan ala hi (I Peter 5:8). Setan deih hilou in Pathian deih nu le pa thumanna ahih I telzok diing uh.

### 3. Bangziak a piak hi hiam

Bangziak a tate'n nu le pa thu I man uh poimoh hiam?

a. Pathian in poimoh asak ziak.

Pathian tuh thil tengteng tung a thunei ahi. Amah leh a Laltutpha taklam a tu Jesu sang a thuneizaw kuamah dang a omkei. Huchibang a thuneihna sangtak tawi Pathian in poimohsa a thupiak hon pia ahihna ah kuaman I nelhsiah theikei diing. Thupetupa sang a thuneihna sangzaw nei ihih ngalkei a leh.

b. Thildik ahizhiak in

I tangtel un bangziak a naupangte'n/tate'n nu le pa thumang diing ihia chih ahon hilhchian hi. Thildik ahizhiak ahi. Toupa dan toh kituak ahi achihna ahi.

Bangziak a ken ka nu le pa thumang diing, amau a bukim (perfect) lah hituanlou ua,

a hoihlouhna uh tampi a omthou vele i chi ahi maithei. Bangziak a mangdiing chih toh kisai a Pathian hon dawnna tuh – **thildik ahi ngal a** chih ahi. Nu leh pa thuman thildik ahizhiak mah in Jesu ngei in leng naupang ahih lai in ana mang hi. Nu le pa sang a pilzaw leh theizaw kisak chiang bang a amau thu manlouh diing bang isa nak uh. Ahihleh tate, Jesu ngaihtuah thakni. A nu le pa sang a theizaw, pilzaw kia thamlou in Tempul a upate nangawn in leng a theihna lamdang asak-khop ua pil himahleh a nu le pa thuthu in a om hi (Luka 2:51). Nu le pa sang a apilzawk ziak hiam mawlzawk ziak hiam a athu uh mang ahikei a, thildik ahizhiak a mang ahi zaw hi.

Huaizhiak in, tate, tuailaite – Toupa a ki-tahlut i ut a, thildik hih i ut leh i nu le pa thumang mai ni. i pate'n hon thuhilh chiang in "Leave me alone" chi keini. Huai i chih ngeingei leh Pathian kiang a chi ih chih i theih ngeingei diing ahi. Huai i chih chiang a Pathian kiang a hon thu hilhkhilken, hon ngaihsaksak ken kei ka ut dandan in ka om diing i china ahi. Pathian in i nu le pa ei tung a thunei diing a koih ahizhiak in. Huaizhiak in nu leh pa tung a helna tuh Pathian tung a helna ahi. Tate, tuailaite, hiai ah (nu le pa thuman) khovelte toh kilamdang ihihna langsak ni. I vaak uh hiai nu le pa thumanna ah mite muh diing in tangsak chiat ni.

**CONTACT ADDRESS**

CHURCH OF CHRIST, DELHI  
 RZ- 2008/25, HOUSE No. 13 S.F  
 TUHLAKABAD EXTENSION, NEW DELHI-110019  
 PHONE NO. 9953968807  
 EMAIL: [khrissuangphum@gmail.com](mailto:khrissuangphum@gmail.com)

'KHIRS' SUANGPHUM, A WEEKLY BULLETIN FOR  
 THE MEMBERS OF THE CHURCH OF CHRIST, DELHI,  
 ON THE FIRST DAY OF THE WEEK'

Website: [cocdelhi.org](http://cocdelhi.org)

Enkaiitu: Jamson Guite Panpihtu Jangthang Khamminthang

**BIBLE CLASS**

Class	Teacher
Adult	: L. James Guite
Inter	: Jamson
Primary	: Suanlian/Minlun
Beginner	: Suanching

**TOUPANI' THILPIAK**

[24/08/2014]

RS/-

**Tuni Biakna Hunzeek**

[24/08/2014]

Thumna hun-uk : Thongsiangdong  
 Lapitu : Thongginlian  
 Thilpiak : Thangdoulian  
 Theihgigena : Thangbiakmang  
 Thuhilhtu : Jamson  
 Thumna : Timothy

**Kiginni Biakna Hunzeek**

[06/09/2014]

Thumna hun-uk : Thangbiakmang  
 Lapitu : Lamsuanmung  
 Thuhilhtu : Liankhogin  
 Thumna : Timothy  
 Amun: Unp. Thongsiangdong inn

☎ 8860243705

**Kalnawn Biakna Hunzeek**

[07/09/2014]

Thumna hun-uk : James  
 Lapitu : Pauminlun  
 Thilpiak : Thangbiaklun  
 Theihgigena : Janglet  
 Thuhilhtu : Jamson  
 Thumna : Mangneu

**THOUGHT OF THE WEEK**

Bang achia hichi lungkhamtel ka hia? bang achia huchi buaitel ka hia? Ka lametna Pathian ah ka nga dia, amah ka phat thaknawn diing hi; ka hondampa leh ka Pathian ngei (Sam 42:11).

*Theu Tuamtuam*

*Theu Tuamtuam*

**KAISANG**

☛ Muanhuaitak apan thutut kingah dan in unaupa Thangzalam in a sepna lam ah promotion mu in SO (section officer) ah ana kaisangta hi. Unaupa lohchinna i kipahpih chiat ua lohching thei diing a hon mapitu Pathian min i phat uhi. Maban a leng ahon lohchin touhzel i deihsak mahmah uhi. Toupa Thupha!

**KIKNAWNTA**

☛ Kalnihvel paita a ki check-up sak diing a hong pai un-aunu Vungi in kal paita nilaini in a zilna munlam zuan in honna paikisan nawnta hi. A ki check sakna hoihvek hi in gen hi. Kipahhuai lua.

**DAMLOU**

☛ Unaupa Joseph Pauminthang in a kal a suang a vom ziak in tulai damlouhna ana tuak zeuhzeuh hi. Ki etkolna leng pailael a, operation chet hikei mahleh lesser zang in sukham uh a, livei hih diing lak ah khatvei zoupan ua, tun thumvel in samlai hi. Lohchingtak a ahon zohtheih a adamsiangpih theihna diing in i thumna uah i phawk diing uh.

**TUKHAWM UH**

☛ Zan kiginni in labu com-mitte-te labu toh kisai in tukhawm ua, bawlphattuak, labu lui a omteng zousiangta uhi. Zohsiang hiphialta hi in leng gen uhi. Proof read diing a leng print khiak theihna diing hi in leng gen uhi. Phathuai mahmah uh. Zohsiang pahtak lamet ahi.

**Sutzopna: Nu le pa tung a tate mohpuak**

Nu le pa thuman a phattuum dan tuh - hiai in mundang a leng thu hon mangsak ahi. Innsung a nu le pa thumangte tuh saptuum sung, khotang leh munteng a thumang ahi uh. Innsung a nu le pa thu hoihtak a mang hileng hang saptuum sung a makaite thuman ahaksa kei diing.

**Thukhitna:**

Nu le pate tung a tate mohpuakna toh kisai I genna uah amaute thumang diing I hahgen ua, adangte zahtak diing, pahtawi diing chihte I genkei uh. Hiaite leng a gentheih tham. Nu le pa thu I man chiang in amaute kipahtawi a, huai in zahtak ihih chih genkha ahihman in a tuam in ava gentuankei uhi. Huaiziak in tate, a thu uh mang in nu leh pa pawhtawi ni. Tate tuh nu le pa adia gou ihi. Gou ichih dahna leh lungkhamna ahingeikei a, kipahna ahizaw hi. Huchi mahbang in nu leh pate a diing a kipahna ihih theihna diing in Toupa hon deihna bang in a thu uh bangkim a mang in pahtawi ni. Huai tuh Toupa muh in a manpha mahmah hi (Kolosate 2:20).

**MEETING OM DIING**

☛ Tuni a kha beinawn diing ahihtak man in kha teng a i neih uh business meeting tukal a neih hinawn diing hi. Ani diing leh a mun diing makai lamte'n hon puan diing ina ngaihven diing uh. Huan, kua-peuh in awlmoh in telchiat isawm diing uh.

**HONG PAIZEL**

☛ Delhi mun a inn luah a khosa himahleh uh sepna ziaikin unaupa Kammuanlal Chadigarh lam ah om a, himahleh Toupani teng in hongpaizel a, biakna ah hong tel gige hi.